

19.05.2020թ

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 421957/01

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով 19.05.2020 թվականի վարչական իրավախախտման վերաբերյալ թիվ 16470 գործը,

ՊԱՐԶԵՑԻ

Համաձայն հարկային մարմնում վարվող անձնական հաշվի քարտի տվյալների «ԱՅ ՓԻ ԷՍ ՍԻ» ՔԱՂԱՔԱԿԱՆ ԵՎ ՍՈՑԻՈԼՈԳԻԱԿԱՆ ԽՈՐՀՐԴԱՏՎՈՒԹՅՈՒՆՆԵՐԻ ԻՆՍՏԻՏՈՒՏ» ՍՊԸ-ի (ՀՎՀՀ 00256721) չկատարված հարկային պարտավորությունները 24.03.2020թ դրությամբ կազմել են 1595787 ՀՀ դրամ, որից 1586096 ՀՀ դրամ գումարն առաջացել է 2020թ փետրվար ամսվա եկամտային հարկի հաշվարկից:

«ԱՅ ՓԻ ԷՍ ՍԻ» ՔԱՂԱՔԱԿԱՆ ԵՎ ՍՈՑԻՈԼՈԳԻԱԿԱՆ ԽՈՐՀՐԴԱՏՎՈՒԹՅՈՒՆՆԵՐԻ ԻՆՍՏԻՏՈՒՏ» ՍՊԸ-ի տնօրեն Հովհաննես Գրիգորյանի կողմից 2020թ փետրվար ամսվա եկամտային հարկի հաշվարկից առաջացած 1586096 ՀՀ դրամ գումարը ՀՀ Հարկային օրենսգրքով սահմանված ժամկետում չի վճարվել, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով:

Կողմը պատշաճ ծանուցված լինելով ներկայացել է դիմում առ այն, որ վերոնշված հարկային պարտավորությունը կատարվել է 2020թ մարտի 20-ին էլեկտրոնային վճարման հանձնարարականով, սակայն բանկը գործարքը հաստատել է 23.03.2020 թվականին, քանի որ մարտի 21 և 22-ը եղել են ոչ աշխատանքային օրեր: Հաշվի առնելով վերոգրյալը խնդրել է ազատել վարչական պատասխանատվությունից:

Կողմի ներկայացված փաստը վարչական պատասխանատվությունից ազատելու հիմք չի հանդիսանում, քանի որ ՊԵԿ տեղեկատվական համակարգում առկա տվյալների ուսումնասիրության արդյունքում հայտնի դարձել, որ 2020թ մարտի 19-ին վճարված 1707000 ՀՀ դրամ գումարը միասնական գանձապետական հաշվին մուտքագրվել է 23.03.2020 թվականին, որով մարվել է 2020թ շահութահարկի 1-ին եռամսյակի կանխավճարը, իսկ 2020թ փետրվար ամսվա եկամտային հարկի հաշվարկից առաջացած 1586096 ՀՀ դրամ գումարը մարվել է ՀՀ հարկային օրենսգրքի 158-րդ հոդվածով նախատեսված ժամկետից ուշ՝ 01.04.2020 թվականին, ինչպես նաև բացակայում են Վարչական իրավախախտումների վերաբերյալ ՀՀ օրենսգրքի 247-րդ հոդվածով նախատեսված վարչական իրավախախտումների վերաբերյալ գորշերի վարույթը բացառող հանգամանքները:

Հովհաննես Գրիգորյանը վերջին մեկ տարվա ընթացքում կատարել է վարչական իրավախախտում, որի համար ենթարկվել է վարչական տույժի (20.05.2019թ-ի թիվ 388500/01 որոշում), ինչը սույն գործով դիտվում է որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34-րդ, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի, Հովհաննես Գրիգորյանի նկատմամբ կիրառել վարչական տույժ՝ նշանակել տուգանք 20.000 (քսան հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Փանդություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ստանալու օրվանից հետո երեսույն օրվա ընթացքում: Նշված ժամկետը հարգելի պատճառներով բացթողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին. 900005240487՝ վճարման անդորրագրի <<նպատակ>> դաշտում

պարտադիր նշելով որոշման համարը: Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը ընշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով: